

tutum & doctrinæ studia. Historiam ne negligas. Fac ut Domino Parenti tuo præcipuæ voluptati sis & usui: leniasque omnes illius dolores, quos Reip. & valetudinis suæ causa perfert. Fratribus fac hortator sis ad omnem pietatem & diligentiam. Semper eo enitere ut te ipso melior doctiorque evadas. Noli te συζηματίζεν iis qui dum mundo se totos dedunt, nec Deo, nec Reipub. nec suis parentibus & cognatis, nec denique sibi vivunt. Exerce stylum dicendi Magistrum. Proverbiorum Erasmi Indicem sæperelege. Mitto literas Monavii (d) quæ meis fuerunt inclusæ. Trib. verbis D. Baltasari Brunero, (e) scribito, me illi mittere 40. Exemplaria mei scripti. Deus te & totam

A 4 fami-

(d) Petri 1578. Basileæ M. D. renuntiati, obiit A. 1588. relicto fratre Jacobo Scto Vratislaviensi, ad quem Grynæus propter obitum Petri consolatoriam mittit, quæ inter alias a Sculteto l. c. edita p. 168. & de officio atque fine Petri Monavii pluribus agit. Conf. Petri Lindenberghii commentarius rerum memorab. in Europa Gestarum p. 84. & 173.

(e) fuit Archiater diversorum principum, & tanto amore Chymicis operationibus incubuit, ut, teste Frehero, 20. annorum decursu amplius 16000. florenorum cum animi delectatione consumpserit. Oblatum Heidelbergæ & Basileæ Professoris munus, ex amore patriæ modeste abnuit, & tandem 1597. Halæ Saxonum Apoplexia correptus obiit.